

重修棗陽縣志卷之十三

藝文外志

棘陽令柯聳撰

讞語自記

聽斷之後例有讞詞告闔邑也誠來茲也潑墨如山一成不變越久而某事爲曲某事爲直某法爲正某法爲枉較若列眉不可磨滅故君子盡心焉家大人理建州每遇閨閣穢褻情真致責讞語必極洗發嘗曰中冓之羞半屬曖昧一入爰書媼戚爲玷何以爲子孫地乎余小子謹受教承乏以來事

重修棗陽縣志

卷之十三

藝文外志

一

關風化不得已而刊刻規條不得已而張示文告遠引曲諭穎且屢禿而內多微詞手握寸管儼若趨庭時棗邑地瘠俗樸素無重情大辟余亦不善鉤鉅人與地兩相宜也至一切漚池之爭鷄犬之訟得情勿喜甯取片言人畧吾詳人捷吾鈍三思移晷若有所待誠不敢易心處之詞取直率刊華剗績亦曰言者無文聞者足戒云爾民力竭矣免紙免供十居八九罰鍰非古也民之不穀咎在長吏益之以濫名曰備賑職爲厲階矣順治乙未中秋後一日棘陽令魏里柯聳自題於簾靜軒

治院一件叢蠹占詐事讞得謝于階習既敗羣橐思肥己固里黨莠民也然就事權衡其與艾白昌地畝起訟似未可因其素履苛爲癡索白昌祖艾甲科將田一百五十畝賣與于階之兄于陞于階弟承兄業歲稔有秋白昌垂涎謀贖遂列多欸上控迨詢其時日則賣在崇禎十一年詢其經手則一爲故祖一爲故兄葛藤久斷授受易明乃於代易人亡之後萌舊璧復返之思執稱糧未過割地係暫典則艾甲科何不言於生前白昌何不急鳴於乃祖死後且順治二年何又索補錢八千乎此中無事推敲爲刁民樹

重修棗陽縣志

卷之十三

藝文外志

二

赤幟也但于階別有新墾地六十畝未經入冊徵糧嚴訊之下始爲供吐律以欺隱一杖奚辭

治院一件人命事讞得胡應龍惡焰熏心凶邪貫膽其與杜文益同舟運糧憤其沿途用錢不均且慮船沉貽累遂挾利斧潛向文益牀頭逞殺人辣手適文益起之他所而薄浪一椎悞中副車矣傷哉李道人代桃殞命罹雉興悲真人世未有之慘毒也誤殺傍人一律允當厥辜節經審明絕無疑竇不必俟道人家屬對質自應早正刑章毋容此梟獍偷息園扉耳

治院一件查究事讞得張文太所居張家寨環繞皆河也文太買有魚苗蓄養河中張一會合族向有水墻一區與寨河相接一會負涘而居離此不過咫尺四月十一日一會族人張啟明等在墻中網魚爲文太家僕隨福撞過疑明越界竊魚彼此譁爭因而攘臂隨福走愬文太文太若能化有事爲無事正須談笑釋之耳乃過聽膚受之詞急來河畔方思快所欲爲而明等早已散去遂遷怒一會繫之以歸私加縛毆更有文玉環者從中附和代寫戒約是不能化有爲無反變小爲大矣維時啟明奔籲憲臺發職審重修棗陽縣志

卷之十三

藝文外志

三

招論其始事不過一時小爭而一息成火竟爲騎虎之勢無干被毆之一會殃同池魚矣姑念拷贓無據起釁原微文太玉環薄從杖儆兩造證佐俱值農忙匍匐呼號乞恩免解是在憲臺法外之仁職不敢擅專也

治院一件人中禽獸事讞得王朝華淫比綏狐穢同塗豕七年二月自襄陽流至棗邑賃張啟明之房以居先有襄民周孔德被賊捲擄遺妻王氏偶爲呂良先收畱張呂兩家密邇氏與朝華遂結爲兄妹四月中彭付兒倩媒張啟明贅娶王氏朝華索表禮錢二千文今年二月忽稱有人首

告良先收畱難婦營將准詞勾攝恐嚇良先代爲打點愚民惟命是聽卽餽銀數兩飽其婪腹矣未也多金入手又詭稱營將必欲面訊良先惴惴卽將王氏付兒並交朝華立有領約因僦居田家集同爨相依苟合無忌未也麀聚之私旣遂狼卜之計尤深七月十三日計挈付兒賣煙中途脫病先回挾氏以去潛匿於黃國全之狡窟向猶假稱同氣茲且儼然齊眉矣若非付兒撞遇於青山店郭小樓門首則飄蓬斷梗何處覓其踪跡乎未也質審時付兒執有贖約王氏堅背初盟蒙面喪心尤堪髮指朝華念係赤重修棗陽縣志

卷之十三

藝文外志

四

貧免其徒擬杖不蔽辜仍請憲批加責枷號張啓明黃國全不詢來歷先後爲之居停流毒啟釁相應並杖王氏姑免究擬斷歸付兒完聚

治院一件讐黨截殺事看得黃國全與李長梅同惡相濟之徒也蓋國全養長梅爲鷹犬而陰操發縱之權長梅倚國全如虎狼而廣布爪牙之毒以利相結以訟相勝爲橫鄉曲非一日矣近因流棍王朝華拐婦王氏國全先爲窩畱旣圖姦佔啣呂之裔爲氏夫彭付兒作證鳴憲適包有容國全妹夫也雖係肺腑之親夙有睚眦之忿遂與李長梅

商謀布局遂以包有容爲首之裔次之羅列諸款誑告憲臺奉批到職詞內稱指報排夫酷詐銀錢查順治六年職未任之先前縣劉因糧點差長梅遊手無賴厥經無名從何指詐又稱楊家集截搶手帕毡帽旣無店主姓名又無地方呈報再四研訊言語支吾則妄誕不根已不待其詞之畢矣至細鞫單開列各款不特二犯矢口展辯卽諸人已代爲稱冤總難懸坐以長刁民之焰也國全始而教獠旣同嵎虎先經獲到長梅訊其情詞愕然無應吐爲國全主使凡詞中單款皆不知顛末及拘國全嚴質俛首伏辜

始知長梅線索由人如藝未醒而國全以鬼蜮之奸布此五里霧也若不重加懲創惡心不悛狠手愈辣流毒地方曷有底極長梅難逭誣告之條國全應坐教唆之律相應分別城旦庶刁焰稍知斂翼殘民不爲弱肉耳

治院一伴截搶生婚事讞得郭文衡之妹二姐先與張自盛片言有約寸絲未將順治二年趙天亮倡亂席捲二姐以去維時自盛不能脫二姐於虎口旣而廉得踪跡反甘心絕賣以媚天亮欣然飽身價十餘兩無情薄幸業已恩義中斷如雨絕雲矣况已別娶吉氏迄今四載生子年餘久

享妻孥之樂今乘天亮就擒二姐脫歸兄家屢詞瀆控戀不割是欲置二姐於何地若非天亮天厭其惡二姐尙作檻鳳囚鸞自盛無能爲排闥之虞侯章臺青柳不終爲咤利攀折乎姑念先有盟言斷給錢十千以杜纏訟二姐著文衡擇配另嫁

按院一件出巡事讞得李向陽戶書也壟斷公門營肥私橐在前縣及署官時罔上行私不一而足如收戶繁役也乃叢借爲奸而多金充其婪壑解銀重任也敢操縱自主而瀆貨飽其貪囊派糧冊書因緣勒索販鹽經紀亦肆侵肥

重修棗陽縣志

卷之十三

藝文外志

六

其經管稅銀也縣集既有陋規各店俱有常例計數雖屬零星民膏日事朘削是蠹也縱非舞弊包天亦實不擇人而食矣至於廖家店前年楚庄一案蒙各憲寬恩其奈集場倒廢入戶逃亡極力招徠驚鴻甫定兩年稅銀全行蠲免職張示再三本犯莫由染指今拘廖明辰嚴訊實無侵沒情弊合無仰懇姑免究追其餘指詐有據質證相符合從城旦革役追贓以昭炯戒

按院一件爲截拷事又一件悖逆事讞得田雲襄與楊玉擎雖宜棗分界然誼切葭莩居址又密邇也玉擎之孫守義

有地戶宋文國幼年隨父應洪曾住雲襄庄房旣而繼叔爲嗣卽隨叔歸守義家領牛種田多歷年所近雲襄欲爭回文國乘國趕集道經其門拳勇相加文國截拷之控有由來矣職奉批關提雲襄舍文國而與玉擎爲難列欵控院批府審結復粘諸欵上瀆憲嚴併批到職及拘齊兩造反覆詳訊文國詞稱打死袁可學扎死流大兒人命何事豈無屍親見證可懸坐以莫須有之罪乎卽截拷驢布等物細訊原證亦復支吾至田雲襄指文國係卽伊僕慶隨使果有主僕名分何經今數年相去咫尺寂無片言忽於

文國顛憲之後始控弑主雖喙長三尺其誰信之就雲襄單開諸欵除久故及不到者無憑質審其見到者如石氏乃襄民武登之母包有容之繼母向依有容今歸嫡子李長新冒認爲妻幾於繪影若云玉擎強佔更屬凌空其盤結束人一欵據開纍纍金珠幾如賈胡航寶果有截失二客何肯甘心隱忍詞之無根莫此爲甚其姚安宇一欵供稱昔年避寇習洞偶有搶失玉擎憐其窮途助錢一千今云拷詐多金何情事之相反也胡文昇被胡一魁告訐初奉巡道發捕廳審結繼蒙治院批府訊明久已回歸原籍

執有前縣印照何云玉擎隔屬不發也其胡廷南二犯係明季土賊十餘年豈得尋仇羅織乎棗邑冊書並無張汝艾其人玉擎在冊納糧田地頗多欺隱有何實據何得捏情吹索乎李必富軍田現在納糧卽李長新亦稱從無佔據事打死田氏茫無指實卽田毓秀亦不能狡口曲誣夫玉擎棗邑子衿倘行堪指摘必不容於同類何作證者獨一黜生長新棗民無剝膚之控而能流毒隔境乎列欵全虛難逃憲鑑雲襄之與玉擎原係媼姪素無仇隙卽爭地戶事亦細微祇因文國具詞守義作證始疑載鬼一車激

成射石如虎李長新夙有憾於玉擎又乘機播弄文國之叔應龍應樂又復爲左右袒爲秦者指楚爲強爲楚者指秦爲暴實皆憑空結撰田雲襄欵多無據誣坐不枉已因別案懲治姑從杖儆應龍應樂匿情妄證並應杖責以遏刁囂宋文國詞雖無據受毆情真李長新捏單構訟念係赤貧老悖量與局外株連之楊玉擎均從免擬宋文國久爲守義地戶仍歸守義以杜爭端

按院一件由府轉發爲謀殺事讞得郭文衡與朱國太皆險健之徒也趙偉然有婢大媧寇亂失去客冬十月偉然訪

獲於趙文棟家完璧歸趙九閱月矣適偉然居址與國太  
鄰近今年六月大獮宵奔其家國太謀於文衡居爲奇貨  
朱曰姪女郭認弟媳凌駕虛詞不啻蜃樓海市文衡告縣  
未經審結偉然旋控本府斷以大獮歸偉然此正楚弓還  
楚情法稱平乃復以謀殺妄瀆按嚴無論謀殺何事難誣  
孱弱子衿且大獮甲申被擄去冬已歸告稱六月間事衡  
果受此奇冤自應赴質恐後何憲詞批府三月猶遠遁荆  
州抗不投審狐形旣露鮒入無居多方躡緝始得就鞫職  
細加推鞫其合謀刁誑皆文衡與國太表裏爲崇但知弄

如蠅之機關不顧蹈如爐之法網也文衡合擬城旦國太  
薄從杖懲大獮遵照府斷仍給偉然

巡道一件殺死弟命事讞得王宗義嗜利捍法之徒也初與  
王一鵬投契有本銀七十兩借付一鵬販油迨至漢口失  
火蕩盡因索前逋遂成仇隙由漢口至襄由襄至蘆陂堰  
雖朝夕依依而戈矛勃勃四月十三日同至蘆陂堰王奉  
山店門前構爭相毆一鵬顛仆宗義掣所佩小刀刺入一  
鵬左脇而次日殞命矣夫一鵬赤身貧窶若使攜有貲本  
必不向宗義稱貸旣而貨物煙銷宗義索貲無償始取殺

身之禍被傷之日店主王奉山地方王孟張等共抬一鵬到縣一息殘喘寂無片言肅條一身眾目難掩王一鸞告稱攜本八十兩捏虛誣詐難逃秦鏡矣且其時一鵬宗義滿帽戎裝變起倉卒王奉山豈能逆料預爲救援至如地方鄉約遠近參差一鸞概誣以坐視不救是使轂擊肩摩雜還往來之眾必皆羣集擁護而後可也總之殺人者死本犯已俛首伏辜按律絞抵若一鸞居奇弟命株蔓多人仰祈超豁庶使甫集之驚鴻不作無辜之罹雉耳  
巡道一件打死夫命事讞得彭良裔之毆死常爾五也命畢

重修棗陽縣志

卷之十三

藝文外志

十

須臾傷皆要害律以絞抵允當厥辜復經刑廳襄令從輕改擬致煩憲駁職按律衡情終不能爲元凶祝網也初爾五與良裔居址密邇惴惴毒焰凶鋒攜妻遠避已越五年既而烏倦知還構巢舊址遂觸良裔臥榻鼾睡之怒其視爾五不啻眼丁欲拔矣維時緹縛夾攻雖有常天祥常天學彭化貴諸凶而首發難端鐵棍摧殘不遺餘力則良裔狼心竦手速之斃也據傷顛門太陽鼻梁耳根兩肋痕長色紫多係致命正與見追凶器脰口前縣因陳氏告遞攔詞不欲生者又苦拖累僅依原謀擬斷雖從寬政實縱凶

徒爾五寃命未抵則三尺廢弛九原飲恨不幾令樹底幽魂長號夜月乎但前令凶器未追終開狡辨已經嚴追起獲當持常律如初

又人命最真且確絕無疑竇莫如彭良裔一案良裔鎖縛常爾五於樹上鐵棍鐵尺交加立殞乃委咎於常天學常天祥彭化貴何以兩項凶器並獲其家明係良裔主謀而天學等則聽其指使律所謂加工者耳且久逃異境屢抗關提是良裔縱其兔脫圖爲漏網之隙陳氏一遞攔詞於刑廳再遞攔詞於襄陽縣及縣提審涕泣稱寃始知從前以

重修棗陽縣志

卷之十三

藝文外志

十一

嫠婦爲傀儡而提其線索者則干證常惺等也屍傷凶器參對相符一絞誠屬鐵案况陳氏老弱可憫仰祈憲臺早定爰書毋使巨憝覬失不經無辜反受拖累庶死目可瞑生喘得甦矣

巡道本府一件亟救三命事讞得王守義性本狼貪術工蠅射且廣布爪牙橫行吞噬逞其魚然者非一事罹其荼毒者非一人若郭維新則爲傅翼之奸而助飛食之焰者也先是被害之張四箴張宗孟等或控其婪贓或愬其姦擄且草菅李二梅鬍子二命雖告究無人現有黃世虎可證

職責任詰奸宜鋤非種正擬具詳乃守義忽更姓名爲張  
宜之誑控道府羅織無辜無非欲挾制諸人不敢指證其  
惡耳詞中最妄誕不根者一則曰連殺三命再則曰托情  
稟官不知所殺何人所托誰氏職衾影自矢天日爲昭若  
任其流毒窮簷又從而媒孽下吏不幾使長民者動多掣  
肘而受害者飲恨吞聲乎王守義郭維新杖不蔽辜仍解  
臺前仰祈嚴鞫庶刁凶知儆而兵火子遺或可苟延殘喘  
也

總鎮移一件擄霸生妻事讞得王祚久先贅王氏家爲壻值

重修棗陽縣志

卷之十三

藝文外志

十二

寇氛星散轉嫁侯文龍倡隨六載祚久踪跡及之衡情揆  
法白璧雖瑕仍宜還趙青絲未老依舊歸韓自應斷歸祚  
久以續前盟然文龍憑媒納禮數載糟糠倏焉割去殊難  
爲情且四壁無依半菽不飽旣斷琴瑟之歡復迫飢寒之  
苦似應少償其衣食之費是出鎮臺周恤之慈

一件窩霸人財事看得江守志有婢秋女兒於順治三年九  
月逃匿張牛兒家牛兒物故其妻趙氏轉鬻吳從賢配僕  
進財爲婦結褵五載頃守志躡得之當年十五弱齡今則  
三十壯婦收畱迷失之罪不能起牛兒於九泉而究之但

進財媒妁有言婚嫁有主實正娶非鶉奔也一旦欲割並  
蒂之歡仍爲竈下之婦王法本乎人情豈通論耶量斷從  
賢出制錢六千給守志酬其數年撫養之勞可耳

一件地方事讞得張汝清之子德明幼而失恃事繼母未能  
盡禮致來地方李萬才之訐夫曾閔之行難盡責諸愚民  
然爲清也妻者是爲明也母菽水承歡宜供子職盤殮起  
釁實傷天懿親族侯一龍等懇息可謂善處人母子之間  
矣繼今德明克諧尚是孝子無使里有勝母之名也可

一件盜賣坑婚事讞得周潤兒與劉得聘女東姐曾訂朱陳  
重修棗陽縣志

卷之十三

藝文外志

十三

後得聘背約鬻女王貴爲婢長而擇配潤兒復具財禮求  
續前盟爲得聘者以真情告貴貴未必不聽奈何竟嫁爲  
陳信宇媳乎聘也翻雲貴也折鳳兩人豈能辭其責哉迨  
潤兒投牒行拘得聘躲避不官令妻邱氏赴質鬚眉縮首  
長舌對簿豈惟鮮恥亦慮辭窮但此女旣執陳門箕帚難  
諧潤兒琴瑟合斷得聘出錢八串王貴出錢四串共給潤  
兒別娶

一件冒賣妄爭事讞得郭文衡有妹二姐雖曾許配張子孺  
尙未合卺爲寇趙天亮掠去子孺亦遂別詠好逑且慶宜

男矣天亮罹法二姐脫歸薄命紅顏幸離虎窟子獨有婦焉置斯人二姐合聽文衡擇配子獨議聘在先量著文衡出錢五千償其薄費并杜訟端

一件究逆追斷事讞得周四鬻身萬雲程之父萬理策爲僕亂離之後輒思颺去夫主僕名分石爛難翻室門凌落更欲凌霄背本忘恩法難寬宥杖以懲之仍追身價給主收領

一件掃佔殺孀事看得孟從明乃已故潛一選螟蛉子也一選存日與弟一巡有尺布斗粟之謠故死肉未寒一巡遂

重修棗陽縣志

卷之十三

藝文外志

十四

欲據其所有從明又從而搆煽焉而爭端起矣但選妻陳氏并妾盧氏共舉三子非種宜鋤從明不思引分遠嫌乃欲間親安己雖一巡召釁有因不同高鳳爭訟然從明乘機挑唆實類江充亂家矣從明應從杖警并著分居一巡本應擬杖姑念選子伶仃惟叔是賴免其科罪斷令善事兩寡撫字三孤以謝阿兄於泉下可耳倘因而垂涎負託則三尺俱在本縣必不爲薄倫人寬法網也

一件逐妻寵妾事讞得李文科娶妻齊氏未久復娶妾謝氏齊氏既無療妬之鷓謝氏復類司晨之牝床第戈矛非朝

伊夕矣乃文科突今正月間手筆立約勒令齊氏改嫁惑  
溺冶容恩衰伉儷厥母龐氏能無致恨於薄情之婿耶量  
懲一杖以蔽其辜獨異齊氏瀾翻長舌甘心就離是文科  
既欲爲鳴鳩之逐齊氏亦欲建棄夫之橋矣薄俗澆風爲  
之三歎姑念女流免究嗣後務宜室和好無再妬生入宮  
永構反目可也

一件霸佔生妻事看得馬騰霄目盲而心亦盲先年饑饉垂  
斃偕妻楊氏投檀孔嘉傭活立約受錢畱廢人以供廝養  
孔嘉亦自失算突於今二月朔騰霄棄妻潛逃孔嘉以案

重修棗陽縣志

卷之十三

藝文外志

十五

候告緝騰霄遂興霸擄一詞夫楊氏年非少艾污蠛抵塞  
如騰霄者不惟生而瞽目并宜死而犁舌矣但孔嘉執稱  
此婦撫哺幼子不能中斷雖屬至情而葛藤不斬瓜李召  
嫌甚非善後之策今照原約斷還孔嘉錢四串楊氏著楊  
仲儀領回候錢完方許騰霄收去仍免究擬以示矜不成  
人

一件妬陷三命事讞得李自苾家有正妻王氏復贅張廣詔  
之母靳氏各居分爨經今一十五載王氏生子仙才靳氏  
生女榮大去年自苾亡揆以大義靳氏分屬側室裔爲弱

女不應與王氏爭衡家業乃肉死甫寒室戈遽發妬陷之  
控實廣詔爲之媒也夫鳩非巢有燕自他來廣詔何人而  
虎視嫡嗣蠶食遺產乎本縣猶矜其母女諭親族李仙品  
等曲處今據議約頗稱公悉蘄氏宜守分產半子可慰晨  
昏薄業堪供饘粥日後仍歸仙才毋許廣詔染指至榮大  
長成于歸粧奩爲王氏者應念故夫骨血務須加厚毋與  
己女有異同也倘廣詔復挑釁生波流毒生死本縣自依  
三尺究擬恐後開怨立案免供以勸輯睦

一件縱淫逆倫事甚矣營兵之流禍也丁二賣地與李自苾

重修棗陽縣志

卷之十三

藝文外志

十六

已歷多年今二藉營中毒焰越告拘擾苾妻王氏孤寡不  
勝弱肉強吞之累問其原產則自苾與弟自蔚各得其半  
王氏欲照產歸還蔚妻王氏以局外推誘彼此堅持致開  
雀角本縣念係望族且二氏俱稱未亡匍匐公庭非所以  
勵柏舟之節解同室之鬪也特諭親族子衿從公調釋各  
已相忘無言但妯娌參商雖丁二爲之屬階實臧獲肆其  
厖吠本應杖警一二以爲炯戒恐開不了之怨存案免供  
嗣後爲苾妻者當念王氏家無血裔恩禮有加爲蔚妻者  
當念仙才水木同源視如己出庶籬棘不自剪伐葛藟遠

庇本根門內克和外侮無作乃其善自爲計耳  
一件計串刁窩等事讞得吳宏道身厠鬻宮父充府役張脩  
德有僕隨伴傭工其家原議一年爲滿宏道父子以婢桃  
花兒配之意在久假不歸也迨具牒拘提宏道違限五旬  
其父抗不赴審夜郎自大豈此膝久不爲人屈耶念經處  
息姑不深求其議償張脩德身價著速清楚

一件嫉妬女命事讞得萬九程先繼萬里光未幾里光身故  
其妻林氏再醮黃口孤雛幾同萍梗萬里侯暮年乏嗣撫  
爲己子娶朱文秀之女爲媳佳兒佳婦固望爲終身之依

重修棗陽縣志

卷之十三

藝文外志

十七

也詎意姑媳勃谿遂致繼子之螺形難化親家之蠻觸日  
生朱陳之好反成吳越夫史氏與九程屬非毛裏其待朱  
氏容寡恩情然爲之媳者自當承歡堂上勤修婦順何致  
效尤輒思析箸不知九程依里侯七年甫成親半載遽背  
本而別居是孝衰於妻子不可訓也嗣後朱氏盡事姑之  
禮史氏推愛媳之誠庶彝倫正而家道昌矣文秀役司禮  
房不能以禮教女里侯身爲鄉約不能訓約其妻皆難辭  
咎姑免取供以全親誼

一件坐佔殺孤事讞得萬九程萬里侯之繼子也初因姑媳

嘖有煩言已經斷明其醮母林氏復以里侯佔產興詞世無謝宏微安能一錢尺帛皆有文簿况滔滔皆是恤孤讓產能有幾人但里侯不幸嫡裔無傳己之家業終且屬之九程豈反垂涎非分乎况林氏改節已經七載萬門之事不當與聞九程又屬螟蛉痛癢未必關切而謂倚閭之情依依於改適之後其誰信之此中線索路人共知合斷九程克遵里侯嚴訓里侯務宜善處家庭保守恆業俟其成立文還母使林氏藉口也

一件族毒隱佔事讞得王從文與弟從儉雖係同胞然闕伯

重修棗陽縣志

卷之十三

藝文外志

十八

實沈構釁久矣王九齡乃從文之子而從儉之姪也順治六年共贖趙生員堰地照價管業從儉貪利妄爭彼此各以隱佔互計并王友成友倫等之欺隱九齡亦和盤托出夫世間難得者兄弟易得易失者田土何從文從儉不思箭折忌孤忍爲箕煎太急耶爲九齡者不能垂泣纓冠反甘心助虐族誼淪胥至此已極宜族長王曰輝爲之切齒直陳也從儉以弟訐兄九齡以姪攻叔各行薄創以昭骨肉參商之戒

一件偷賣軍裔事看得文冬兒幼失怙恃其叔文良楠賣於

李春松爲僕近春松棄世其妻趙氏因子幼家貧轉僱於張承差維時原中李得春若聞於其叔原價贖歸豈非兩全奈何少說得一句話多興此一番詞耶拘審處息據稱冬兒願依張氏豈穉子口尙乳臭不思水木同源甘心爲人傭牧乎抑羽翼已成良楠亦難動搖也姑免供存案三年後工限已滿仍聽歸宗

一件峻毆婆命事伏讀律文凡妻妾毆夫父母及強姦兄弟妻者皆斬法綦嚴也楊春魁與楊春明同胞兄弟春魁倫行素薄春明病革慮貽肘腋之患告縣批照遺妻周氏子

守孤幃茹荼飲蘖上侍白頭姑氏下撫黃口穉兒去臘二十九日陳氏風燭衰齡久病而殞春魁遂以毆姑致死控周以強謀爲妾訴果爾均應大辟乃鄰佑張所學等合詞呼籲極稱姑媳從無間言卽二十五日陳氏因春魁奉差往府因其役名係春明所貽婦人不知急公怨詈及媳越五日而死於病如出一口周氏貧苦霜嫠有何大力能使羣證不謀同辭公道在人於此可見夫馬援奉嫂不冠不入汜毓字孤家無嘗子古人高誼姑難責之庸愚亦何至有嫂有姪相傾若讐敵乎春魁本應坐以誣告之條姑念

謀姦亦無確據且哀此孤寡恐牽累無已也共杖示懲  
一件欺壓逼賣事讞得已故侯世碧遺妻張氏年方少艾藐  
孤是撫淒花恤緯弔影憐形煢煢稱未亡人雖斷臂自矢  
尙難必諸異日然一日之貞卽其貞丹不奪赤石不奪堅  
亦末俗之表表者侯朝選身爲叔翁當念孤兒寡婦多方  
護持奈何乘機射利先因氏移住而私其家具復乘業主  
贖產而索取錢文甚至倩何國元登門說配勸其改嫁是  
眞墓木宜拱相鼠無皮者也嗟嗟曷思張氏絕生人之歡  
守侯門之節幾番風雨幾番霜雪著甚來由而忍肆此凌

逼乎况母子二人相依爲命無張氏是無孤雛也無孤雛  
是使世碧無後也程嬰王成責於一身反欲其改絃易姓  
孽奴之喪心極矣本縣素敦節義法應重擬以挽頽風姑  
念老疾殘廢責而逐之自後如再無禮聽張氏赴鳴重處  
一件法究姐命事讞得李璵之妻李氏歸璵數年生子八歲  
璵後納妾耿氏家庭詬誶時或有之今四月初七日舉家  
赴段文泰之飲氏以久病不與扃戶雉經其弟春芳以姐  
命具告夫璵與李氏結髮多年斯男兆慶有何積怨而毆  
之立斃乎若云寵妾凌妻耿氏不安小星之常李氏致有

入宮之兢此亦婦人恆情卽李璵正家無法構隙有因畢竟死於縊非死於毆不得因平日參商懸定璵以重辟也查律文夫毆妻致死者絞重敵體也因而自盡者勿論尊夫綱也兩罪懸若霄壤今氏屬自縊鄰證眾口同詞卽春芳亦難終諱則李璵雖義薄齊眉亦偶值惡緣之盡春芳雖痛深同氣不得操不反之兵也璵與耿氏各加刑責法如是足矣李璵不能治家薄罰以儆並令厚加埋葬以慰梁間未瞑之目可耳

一件償斷軍費事讞得王守華祖軍王志才與雷鳴小劉忠

重修棗陽縣志

卷之十三

藝文外志

二十一

俱屬武昌衛運軍各管一船共襄漕運自寇氛肆歷年停止今奉憲票行提守華到省著令造船領運守華欲圖營脫豈能無費而晏然回籍乎雷鳴等雖不列名提牌籍同運戶守華之控似非得已雖所開之數不免虛浮若竟指爲詐騙則過矣夫運之不得偏有勞逸猶船之不可偏有輕重也今守華營得免運鳴等亦可安枕逸則共享費則獨任亦非通情之論設或守華訢而不允勢必扳告鳴等此時或同運或議幫所費有加倍於今者爾等何不平心較量乎其事雖非本縣所得與聞然守華索負盈門矢天

誓日有似私而實公者合斷雷鳴等照守華開單除硃筆塗抹外餘如數分半以償守華

一件賺養坑命事讞得楊文科子物故遺媳朱氏生孫漸新爲文科計倘朱氏能守則聽其母子相依永保家業苟不能守則聽其出嫁自綜家政以待漸新成立特兩言而決耳奈何坐贅郢客劉洪昇乎無论文科自有兒孫惡用他鄉遊子且世鮮程嬰豈容輕議撫孤設日後洪昇有子保無染指王父乏孫謀之貽翻倚旅人爲隔膚之痛此不通之論也今兩人互訐俱無一是總因文科不能慎始致然

重修棗陽縣志

卷之十三

藝文外志

二十二

顧念所存家貲本屬漸新之物文科老病龍鍾族姓未必良善均難管理朱氏雖有後夫詎忘前子著公立議單付以印照令氏執掌俟漸新長大明白交割洪昇不得擅動分毫楊族亦不得妄有覬覦如敢抗違定行盡法究處一件圖色謀男事讞得甯希孔之告隨民劉奇吾也以媳劉氏爲吾所佔及審乃知氏卽奇吾之妻妹也乙酉年希孔子死於賊媳亦萍飄偶寄居奇吾家姻戚相依原非怪事遽云奇吾執銃截擄強作同夢誣矣迨後氏旣回家奇吾隨亦來棗托媒彭老人等納爲次妻則昔年先有桑間之

約今日謀成枕上之歡吾似無以自解但原有聘錢希孔收領而可謂之姦佔乎致詢希孔具詞之由則以昔議備棺養老近忽背約潛回不知媳已再醮便同覆水世無以媳招壻而能菽水承歡喪葬盡禮者也獨怪奇吾納劉氏二女一人而兼兩壻情非不厚一旦挈妻謀歸劉氏亦甘心遠去遊子有故鄉之思弱女無高堂之戀氏又三錫垂涕備訴父尙如此更何有於故夫之翁乎疎者不可使親此亦人情之常希孔正不必過爲憤憤耳奇吾受塵已久合斷仍舊住縣不得托名遠徙希孔仍如親戚往來奇吾

重修棗陽縣志

卷之十三

藝文外志

二十三

本應究擬憐其貧也免之

一件查究事讞得許聯科各里里老也本縣收解編銀例俱僉點書役奉派建城銀兩係屬額外加編各役方收正編不能分身兼任因委聯科等集收但收銀舞弊此間積習去年本縣下車一切釐革較準法馬聽鄉民自秤自納收戶止管登記諄諄誠諭不啻霜嚴科等獨未聞乎然嚴於入矣而未嘗不軫其出其間催解有費傾鎔有費道路有費交納有費上遵憲禁幫派下憐諸人煩累本縣復苦心蠲給可謂不遺餘力矣科等獨不念乎不期聯科術善傾

銷需索滴補至收銀之時越俎稱封一人作俑羣里效尤  
螟與蝨合體而食狼與狽並體爲奸目中幾無三尺殆嚴  
行鞠詢曉曉供辯謂無釐毫染指其誰信之嗟嗟一點一  
滴孰非民膏况將官府成規弁髦不用則諸奸之肉其足  
食哉本應嚴究申革姑念犯在赦前量開一面且奉憲行  
嚴諭開墾新募之眾未諳地利姑爾暫畱責成後效除將  
聯科責革外其馬應龍等各有經收互相容隱分別杖懲  
以戒夫罔上行私者

簾靜軒集序

嚴繩光

重修棗陽縣志

卷之十三

藝文外志

二十四

邑侯柯公當奏績之後邑之寮屬及門下士各以見聞彙公  
之功德及民者請彙而成書其亦左右史之遺意乎公神明  
天授之資輔以學問日新之氣

帝眷下邑錫以天人民之既懌政是以成我求懿則古人其  
難之曷難乎計吏錄廉物望攸歸然清爲刻招創物實甚公  
賦性高舉峨眉雪洞庭月四照花封而行鮮崖異神聽和平  
其清可能其厚爲難能也徵發狎至民不堪命使高拱廳事  
以逞淫刑何求不得公出入霜車雨馬與落落晨星之眾弔  
傷慰苦戴父母之孔邇者何髮膚之是恤其應可能其感爲

難能也韓子有言惠不可以獨厚賦不可以獨急夫惠不獨厚公既體之或以偶急之賦力爲請命而歸其善民之變呻吟爲謳歌者咸曰自天上施其任可能其讓爲難能也若夫對簿棘木之下鏡無畱影不煩辭費臄髀立斷乃天高聽卑有挾懷來者咸使意盡不以知窮人而人自窮於其知然後上下兩無憾焉其明可能其細爲難能也時事旁午簿書蝟集吏人抱牘而前咸震眩於五官互用若風雨驟至而鬼神將下者及放衙捷閣支頤西爽微吟枯坐以幽其神智如方外靜侶其敏可能其間爲難能也公絕學逸才翻三峽而凌

重修棗陽縣志

卷之十三

藝文外志

二十五

五嶽高而絕物固其宜也乃樂獎後進待士必以其誠小艷微芳亦登上林之選寸璣片瑜無殊連城之珍其高可能其下爲難能也今其治蹟具在典文壽鼎彝雅音比笙簧太史志之其在詩書間乎張曲江彌天偉業窮著述不克備賈長沙經世鴻文語世務則甚疎政事文學自昔難兼公得而一之豈非天人豈非天人哉今  
召自日邊履歸天上持此先資光昭盛治推而準之爾吾儕并州子弟聿觀太平與有榮施矣